

Es ist aber jederzeit mein rath/das man eben zusehe / wie man die Arzney auff den grund des Schadens bringe / vnd nit nur den Meyssel damit bekleibe. Dis sind aber die Meyssel / so man zu solchem end vnd zweck in den verderbten Wunden brauchen soll/welche selber zerschmelzen.

Solche stosset man so tieff hinein/als der Schaden ist/bis auff den grund/vnd oben <sup>Selbstzerschmelzende</sup> bey dem loch legt man einen andern vom tuch gemacht/damit der ander/wenn er zerschmolzen nicht heraus lauffe. Aber von solchem hab ich schon hievor meldung gethan / werds auch noch weitleuffiger auff einem andern orte thun/wann ich von Cur vnd heylung der Wundfisteln vnd andern schäden mein Bericht an tag werd bringe.

Von den Ezungen.

Die Ezungen halte ich für ein vnnötiges/ja für ein schedliches ding/vñ in frischẽ Wunden gar für ein verderbliche Kunst/ <sup>Cauteria oder Ezungen warum sie nichts nutz.</sup> (so es ein Kunst seyn soll) welche niemalen gut gewesen ist / weder im Blutstillen noch sonst in andern Sachen. Durch Ezungen wird aus mancher Wunden offtmalen ein giftiger Schaden / als Fisteln/ Krebs/Sirey/2c.gemacht. Offtmalẽ wird mit Ezungen ein Bein verlest/vnd hiemit ursach gegeben/das sich die Wunden nicht mehr zuheylen lest / sonder zu einer Fisteln

33

zeucht.